

# Txirritola

ARAMAIO / Barikua / 2005eko apirilaren 8a / 145. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## AHTren gaineko zundaketak egiten hasiko dira laster

UBANE MADERA


Bi enpresak baimena eskatu dute Aramaion zundaketak egiteko. Abiada Handiko Trenaren bi zati eraikiko dituzte enpresa horiek: Eskoriatza-Aramaio eta Aramaio-Arrasate.

Laster hasiko dira zundaketak egiten Aramaioko lurra aztertzeko, Abiada Handiko Trena pasatu behar den tokietan. Asistencias Técnicas y Servicios Tecnológicos 98 SL eta APIA XXI enpresek egingo dituzte. Gutxi gorabehera, bi hilabetez jardun-go dute lanean.

Zundaketok egiteko udalean baimena eskatzeaz gainera, trenak zeharkatuko dituen lurren jabeek ere baimena eskatzen ibili dira. Bolinburu baserriko Luis Mari Erizek, esaterako, euren hiru bider izan direla kontatu digu.

### NONDIK NORA

Proiektuaren arabera, Zabola azpian hasi eta Kataiaraino, tren kanpotik joango da, airetik. Kataian zubia zeharkatuko du eta Cuatrovientos inguruan tunelean sartuko da. Gasteiztik etorrita, Osinalden izango du sarrera tunelak, gero Azkoaga, Zuazu eta Untzila auzoen artean pasako da. Tune-



Udaletxean dago Trenbide Sarearen Lurralde Zatikako Plana, ikusgai.

lak hiru kilometro pasatxo izango ditu. Aramaio ibaia zeharkatzeko, berriz, 535 metroko luzera eta 50 metroko altuera duen zubia eraikiko dute. Santa Agedako bidea hartuko du handik aurrera.

Gasteiztik Aramaiora honako udalerriak zeharkatuko ditu: Gasteiz, Arrazua-Ubarrundia, Legutiano, Leintz-Gatzaga, Esko-

riatza eta Aramaio. Eta hortik aurrera, berriz, honakoak: Arrasate, Bergara eta Antzuola.

Lanak noiz hasiko diren, berriz, oraindik ez dute zehaztu.

Edozelan ere, informazio gehiago behar izanez gero, udaletxean Trenbide Sarearen Lurralde Zatikako Plana dago, edozeinen eskura.

## Korrika 14ren gaineko balantze positiboa

U.M.

Korrika dela-eta, elkarten eta bestelako enpresen partehartzea nabarmendu du Udalak, alkatearen idatzi batekin.

“Aramaiotik martxoaren 16an igaro zen Korrika. Guztia behar bezala atera zedin honako elkarte hauek osatu zuten Batzorde Antolatzailea: Txirritola Euskara Elkarteak, San Martin Eskolak, Gurasoen Elkarteak, Lagun Artean Dantza Taldeak, Orixol Mendi Elkarteak, Papargorri umeen abesbatzak eta Udalak.

Arrasatetik, 22:00ak aldera sartu zen Araban Korrika eta Aramaio erditik pasatu ondoren,

Untzillatik Aretxabaletara abiatu zen. Bederatzi kilometro egin zituen eta guztiak erosi ziren: Udalak, EAJk, eskolak, Txirritola elkarteak, guraso elkarteak, gazte asanbladak, Orixolek, dantza taldeak eta EAk. Horrez gainera, beste hainbat laguntzaile ere izan zituen. Aramaiora heldu aurretik Santakurtz plazako jaietan hainbat taldek hartu zuten eta parte: txalapartariak, dantzariak, abesbatzak, trikitilariak eta Legutiano txistulariak. Jai borobiltzeko emakume taldeak txokolata egin zuten guztiandako. Gainera, Ehiztari Txokoan, Untzillako elkarteak, Izarra elkarteak eta eskolan 325 euro batu dira. Eta beste 58 euro itsulapikoetan”.



## HERRITARREN HITZA / Manex Agirre • Ikaslea

### Aurrera-atzerak

Denbora pasa da, eta denbora pasatzen denean ez dago zereginik, nahiz eta memoria gelditzen zaigu. Korrikaren amaiera eguna Bilbaon: bertako basquet-episy bat (gehiago) gogoratu nahi nuke.

Euskarari gorputz eta arima eskainitako ekimena da Korrika, eta era berean euskarari gorputz, arima eta gibel eskaintako festa da bere amaierarena. Haize freskoa, erditu berria dakarren festa gainera: euskararen munduan aspalditxotik zibak bezala biraka dabilzanen ondoan haragi freskoa dugu, euskaldun-berri eta euskaldun-zahar(usteko)ak sinbiosi

perfektuan, norbaitek esango lukeen bezala. Zentzu horretan gustatzen zaizkit horrelako egunak, beste ezerekin gaitik: kolore berriak dakartzatelako. Deialdi nazionalako festak deiturikoek (Lesako Sanferminak, Zarautzeko euskal-jaiak, Lekeitioko antzar-eguna) duten lizun usain izpi hori difuminatu egiten da Korrikaren amaiera egunean.

Hara non, goizeko ordu txikietan metxero bat iristen



“Aramaiok antolatzen al du Kilometroak?”

zaidan esku artera egun horretan bertan. Aurtengo Kilometroak-en propaganda-metxeroa da, eta honako lema du bertan: KILOMETROAK Arrasate Aretxabaleta Eskoriatza Leintz Gatzaga Aramaio eta ez dakit zer gehiago. Metxeroa urdina da. Itxaron apur batean.

Nola Aramaio? Aramaio antolatzen al du aurtengo Kilometroak? Harridura orokorra inguruko artean. Bi azalpen aurkitu nitzake

honen aurrean: 1. Aramaioko udaletxeak dirulaguntza eman du; Aramaioko biztanle bezala ulertzea beste erremediorik ez dago. 2. Aramaiotik Almenera ikastera joateko “tradizioan” oinarrituta zaku berean sartu gaituzte Kilometroak-en antolatzaileek. Zergatik ez dituzte Oñati edo Soraluze edo Bergara sartzen, bertan ere tradizio apur bat egonda? Ala noraino iristen diren erakutsi nahi dute soilik?

Artikulu hau galdera bat da, erantzun bat behar dut. Bitartean Bilboko egun hartatik atzetik dudak ekidinezinezko lizun usainez inguratuta jarraituko dut.

## LABUR

### Udalekuetarako izena emateko epea zabaldu dute

Diputazioak abiarazi du udalekuen eskaintza. Astebeteko egonaldiak eskaintzen dituzte, euskaraz, ele bitan edo espainolez. Uztailaren 1ean hasi eta abuztuaren 14ra arteko txartelak izango dira. Interesa dutenak apirilaren 15a baino lehen eman beharko du izena, foru aldundiak Jesusen Zerbizariak kalean dituen lokalean. Apirilaren 21ean egingo dute lekuen zozketa. Horrez gainera, beste autonomia erkidego edo herrialde batzuekin itundutako truke-bidaia ere eskaintzen ditu diputazioak.

**TELEFONO JAKINGARRIAK**

OSASUNA / LARRIALDIK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuiko Eskualdea	945 43 01 67
Suhiltzaileak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
08:15	07:50	08:05
	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** Izartxoaren orduetan eskaeraren arabera zerbitzua eskaintzen dute. Auzoetako bizilagunei zuzendutakoak da, eta autobusa erabili gura badute, bezperan deitu beharko dute honako zenbaki honetara: 629 54 59 23

**OHARRAK**

**BARIKUKO ZINEMA**

Disney faktoriaren film bat aukeratu dute gaurko saiorako: *The Incredibles*. Super-heroi bikote baten gaineko istorioa kontatzen du animaziozko film horrek, erretiratuta eta hiru seme-alabekin bizi diren super-heroi batzuen gainekoa, hain justu ere. Brad Bird zinemagileak zuzendutakoa da, *Buscando a Nemo* filmaren egileetariko bat da hura. 123 minutu irauten du. 22:30ean hasiko da.

**UMEEN ZINEMA**

Oraingo domekan, *Los Lunnis en la Tierra de los Cuentos* telebistako marrazki bizidunen abenturak izango dira zinemaren. 17:00etan hasiko da filma.

**KZGUNEAK, BI ASTE BARRU**

Apirilean bi hitzordu zehaztu dituzte KZGunea erabiltzeko. Bata joan den astelehenean izan zen. Bestea, berriz, datorren hilaren 18an izango da. Besteak beste, Interneteko eztabaida-guneak (foroak) aztertuko dituzte astelehen horretan, 16:00etatik 18:00etara. Egunean bertan joatearekin nahikoa da.


**Bihar jokatuko du Manex Agirre bertsolariak finala**

UBANE MADERA

**Bihar jokatuko dute Arabako 2005eko Bertsolari Txapelketako finala. Gasteizen da hitzordua, 17:30ean hasita, Jesus Guridi Auditorioan. Sei bertsolari lehiatuko dira, tartean Manex Agirre herri-kidea. Gaur, barikua, zen Granadatik etortzekoa, lehiaketarako. Besteak beste, iazko txapeldunari aurre egin beharko dio Agirrek.**

Manex Agirrek aurkari makalak izango ditu biharko saioan: Iñaki Viñaspre, Oihane Perea, Zigor Enbeita, Juan Mari Juaristi eta Asier Otamendi. Edozelan ere, ez

dagoela batere urduri esan digu; Granadan bertso-estelarik ez dagoenez, ezin izan duela entrenatu kontatu digu, horrenbestez, bestetan baino presio gutxiagorekin joango dela finalera, "asmo handi barik". Kontuak kontu, Legutianoko finalaurrekora ere "entrenatu" barik joan zen Manex Agirre, baina lan polit askoa egin zuen eta finalerako sailkatzea lortu zuen. Ea bada biharko saioan ere antzera gertatzen zaion. Dena dela, gogora ekarri beharra dago Asier Otamendi dela iazko txapelduna, eta askorendako, bera dela aurten ere, faborittoa.



**BOTEPRONTOAN/ Kepa Uribarren · Tailugilea eta arotza**

*"Lan zailak badira, baina estiloak eta teknika ondo ezagutuz gero, edozein gauza egiteko kapaz zara"*

Olaetan artista asko izango dira, seguru. Baina horien artean, bada bat egurra lantzen artista dena: Kepa Uribarren. Lantokian hartu gaitu, Ubidea baserrian, beharrez. Izatez arrasatearra da, baina Olaetan bizi da, Olaetan egur-tailuak egiten ditu eta Gasteizen, arotz-lanak (baserrietarako lan bereziak):

**Noiz hasi zinen egurra lantzen?** Beti gustatu izan zait. Hasi-hasi 17 urterekin hasi nintzen. Gero ebanista ikastera joan nintzen Gasteizera, han egon nintzen hiru urte, eta gero, beka baten bidez, maisu batekin taila ikasten ibili nintzen, taila bakarrik. Tailugile profesional horrekin pare bat urtean ibili nintzen eta hurrengo urteotan, eskultura ikasten, eskulturagile batekin: buztina modelatzea oso inportantea da eskulturak egiteko. Esaterako, egurrezko bustoak egiteko, lehenengo buztinarekin egiten dira eta gero, buztinetik pasatzen da eskaiolara eta hortxe duzu egurrean egiteko modelo. Hori egiten da hiru dimentsioetako tailak direnean; baxuerliebeak



*"Eskulturak edo tailak egiteko, %90 intxaurraren egurra erabiltzen dut eta %10 gereziarena"*

**Liburuak behar dituzte, liburu azokarako**

U.M.

**Apirilaren 23an, Liburuaren Egunean, bigarren eskuko liburu azoka antolatuko asmoa du Aramaixo Tropikaleko Gazte Asanbladak. Horretarako liburuak batzen dihardu, baina, kontatu digutenez, oraingo ez dituzte asko eskuratu.**

Dena dela, oraindik ere bada astia liburuak eramateko, apirilaren 22ra arte, hain zuzen. Goizean udal-letxera eramane behar dira; eta

arratsaldean, liburutegira. Edozein motako liburuak hartuko dituzte gazte taldeak, liburu-azokan saltzeko. Lehen esandako moduan, apirilaren 23an izango da hori, herriko plazan. Iragarri digutenez, prezio merkean salduko dituzte liburuok. Batutako dirua, berriz, gobernuz kanpoko erakunde bati emango diote, Angolara eramateko; han, eskolak, jangelak... erakitzeko inbertituko dute diru hori. Eta saltzea lortzen ez dituzten liburuak, espainolezkoak behintzat, Kolonbiara bidaliko dituzte.

**LABUR**

**Maidar Unda borrokalariari omenaldiren bat egitea pentsatzen dabil Udala**

Osoko bilkura egin zuen joan den eguaztenean udalbatzarrak. Besteak beste, 2005erako aurrekontuari behin betiko onespina eman zioten zinegotziek. Udalbide erakundearekin hitzarmena sinatzea ere onartu zuten, elkarlanean jarduteko, eta 2.400 euroko ekarpena egitea erabaki zuten. Horrez gainera, Maidar Unda Espainiako Txapelketa irabazi duela-eta, hari 500 euroko laguntza ematea onartu zuten batzarrean eta horrez gainera, aurrera begira, omenaldiren bat egiteko aukera ere komentatu zuten. Bestelakorik aipatzearen, Danborralde pinudiaren ustiapena hutsik geratu dela-eta, berriro ere jendaurrera aterako dute, beste balorazio batekin.

zuzenean egiten dira. Aurpegiak egiteko, berriz, beti modelatu egin behar da lehenengo. **Profesional moduan lan egiten duzu?** Bai. Urte askoan bakarrik ibili naiz egurra lantzen, autonomo moduan. Orain, tailak lantzen ditut Olaetan eta Gasteizko arotzarekin ere badihardut: baserrietako atea, tarima zabalak... egiten. Merkatuan ez daudenak. Gustura nabil. **Artistikoki, zer lantzen duzu gehien?** Enkargatzen didatena. Armarrri asko egiten ditut, adibidez, azkenaldian eskultura batzuk ere egin ditut... **Egin duzun lanik handiena...**

Armarrri eta ispilu handiak. Eskultura bat ere egin dut, metro eta erdikoa. Karrikatura bat zen, buruhandi moduko bat lorategi batean ipintzeko, eta iturria ere bazen, ahotik ura irteten zitzaion. **Eta egin duzun zailena?** Niretako dagoeneko ez dago gauza zailik. (Barre) **Hori da hori!** Lan zailak egoten dira, bai. Baina taila barruan, behin estiloak eta teknika ondo ezagutzen dituzenean, edozein gauza egiteko kapaz zara. Aurpegiak azaltzen badira zailagoa da... Bustoak dira nahiko konplikatua. Gaitza ez da. Baina zailtasun handiena horrek du. **Eta egitea gustatuko litzaizukeen lanik?** Momentuz ez dut halakorik. Lanean zentratuta nago. Taila bat egiteko burua lantzen dut norbaitek eskatzen badit, bestela enkarguz lan egiten dut. **Lantzeko egurrik egokiena?** Intxaurrea da ona, fruta-arbolak: makatza... Intxaurrek egitura fina izateaz gain, kolore ona du.

*"Pinua ez da tailatzeko ona. Baina margotzeko-eta pinua politena da, nire iritziz"*